



UNIVERSITÄTS-
BIBLIOTHEK
PADERBORN

Universitätsbibliothek Paderborn

Svmma Diana

Diana, Antonino

Coloniae Agrippinae, 1656

Fama

urn:nbn:de:hbz:466:1-40647

*Etiamsi nō
tatur pri-
mordio ve-
ritatis.*

*Non enim
licet, amissa
vera scriptu-
ra, consimi-
lem fingere.
Aut similia
facere.*

*Licet tamen
corrige literas
dispensa-
tionum ad
mentem Pon-
tificis.*

*Corrigere
scripturas
secundum
mentem Pon-
tificis non
incurritur
censuram.*

Veritati, dicatur falsarius? verbi gratia facta est apocha alicujus solutionis cū subscriptione testis: amittitur, qui illam reficeret, & loco testis subscriberet, essetve falsarius? Petrus mutuatur centum Caio pecunia numerata. At Notarius in instrumento non apponit illud pecunia numerata, potest ne novum instrumentum cum illis verbis effingere? Rursus Episcopus concedit Sacerdoti facultatē audiendi Confessiones, & absolvendi reservata: At Magister Notarius in litteris non apponit facultatem in reservata, potest ne ille apponere? Ad quæsitum generaliter negativè respondere Clarus lib. 4. §. falsum nu. 34. Et in particulari duos primos casus concedit Gypsius de casu refer. cap. 13. cas. 2. n. 7. ultimum Bellochius part. 2. quæst. 9. nu. 113. quia ex l. cum filius, §. hares meus ff. de legat. 2. non potest dici falsus, quod juvatur primordio veritatis. Sed ipse par. 3. tract. 6. res. 56. cum Baldo summ. V. Scriptura, nu. 7. & alios doceri, mortale peccatum esse, amissa vera scriptura, similem fingere: quia est contra virtutem veritatis, & cedit in Reipublicæ detrimentum Cæterum probabile est, quod si quis corrigeret litteras juxta mentem Pontificis, ut si supplicatio facta sit pro Petro Panormitano & litteræ expeditæ sint pro Petro Messanense si quis litteras conformaret cum supplicatione, non peccaret, nec incurreret excommunicationem Bullæ Cœnæ. Ita Naldus ibi V. falsum, num. 4. part. 5. tract. 14. res. 40.

2. Falsarius quoque est, qui dispensationem Apostolicam, mentitis causis impetravit, in quo casu dispensatio non valet. Sed de hoc vide V. Dispensatio à num. 7.

3. Illicitum est falsificare scripturas, quamquam verum dicant part. 5. tract. 8. res. 61. Sed corrigere aliquam secundum mentem Pontificis in suis litteris non incurritur in Censuram Bullæ Cœnæ, sed fautores, & defensores falsificantium incurrunt in pœnam falsariorum non reservatam in Bulla. part. 9. tract. 7. res. 15.

F A M A.

1. Fama non læditur injustè, si damnatus ab Inquisitoribus in uno loco publicetur in alio. part. 10. tract. 12. res. 5. Ubi plura requirere.

Detractiones leves ab eodem, vel de eodem ipsius repetitæ uniuntur ad constituendam infamiam gravem. Cardinalis de Lugo. part. 10. tract. 75. res. 17.

FESTVM SERVARE.

1. P Ræceptum de servandis diebus festis duobus completur, auditione Missæ, de qua V. Missam audire, & abstinentia ab operibus servilibus, ut fodere terram, fabri facere, & similia. †

*Servandum
est festum au-
diendo sacrifi-*

2. Et quidem hoc prohibetur Christianis tantum. Unde non damnare dominum, qui prædicta opera imponeret mancipio infideli: quia iste non peccat, cum non tenetur legibus Ecclesiasticis. Qua ratione docuit Laymann. lib. 1. tract. 4. cap. 5. n. 3. licitum esse, imponere opera servilia perpetuo amentibus, quamvis contrarium doceat Fernandez par. 3. mandam. 3. n. 16. part. 5. tract. 4. res. 7. & part. 7. tract. 7. res. 58.

Et abstinendo ab operibus servilibus.

3. Prohibentur etiam diebus festivis juramenta cap. 2. de feriis. Ubi Abbas putat prohiberi etiam extrajudicialia. Sed Cajetanus in 2. 2. quæst. 122 artic. 4. cuius sententiam probabilem existimo cū Layman lib. 4. tract. 7. c. 2. numer. 8. putat prohiberi solummodo judicialia, quæ solemniter præstantur coram Judice: nam de tali materia agit textus, & alioquin omne juramentum privatum, ex eo solū quod infesto fiat esset speciale peccatum. Igitur si absit scandalum non peccant Notarii celebrantes contractus in diebus festivis. Quod si in festis celebrant contractus rusticorum, qui in profestis absunt à Civitate, Rodriq. tom. 1. cap. 122. num. 3. eos excusat etiam ratione necessitatis: ob quam in parvis oppidis, ait Suarez de relig. to. 1. lib. 3. cap. 30. n. 17. permittit judicia litigantium diebus festis.

Ac iuramentis judicialibus tantum.

Nam Notarii, cessante scandalo, possunt celebrare contractus.

Maximè rusticorum.